



TOSHKENT DAVLAT YURIDIK UNIVERSITETI REKTORINING B U Y R U G' I

2021-yil «15» mart

02-70-son

Тошкент давлат юридик университетининг фаол талабаларидан иборат жамоатчилик тузилмалари фаолиятини ташкил этиш тўғрисида

Ўзбекистон Республикасининг “Таълим тўғрисида”ги Қонуни, Ўзбекистон Республикаси Президентининг 2020 йил 29 апрелдаги “Ўзбекистон Республикасида юридик таълим ва фанни тубдан такомиллаштириш бўйича қўшимча чора-тадбирлар тўғрисида”ги ПФ–5987-сон Фармонида белгиланган вазифалар ижросини таъминлаш, университет фаолиятини самарали ташкил этиш жараёнида талаба-ёшларнинг фаол иштирокини таъминлаш, мазкур жараёнларни уларнинг фикр-мулоҳазалари ва таклифлари асосида ташкил этиш мақсадида

БУЮРАМАН:

1. Тошкент давлат юридик университетининг фаол талабаларидан иборат жамоатчилик тузилмалари (кейинги ўринларда – Жамоатчилик тузилмалари) фаолияти йўлга қўйилсин ҳамда Жамоатчилик тузилмалари фаолияти тўғрисидаги низом иловага мувофиқ тасдиқлансин.

2. Проректорлар:

Жамоатчилик тузилмалари фаолиятини ташкил этиш тўғрисидаги низомда белгиланган талаблар асосида жамоатчилик тузилмалари фаолиятини йўлга қўйсин;

15 кун муддатда йўналишидан келиб чиқиб Жамоатчилик тузилмалари фаолиятида муҳокама қилиниши зарур бўлган масалалар бўйича таклифлар ишлаб чиқсин ҳамда Жамоатчилик тузилмаларининг иш режа ва фаолият юритиш тартибларини тайёрласин;

Жамоатчилик тузилмалари фаолиятида самарали фаолият юритиб келаётган талабаларни рағбатлантириш бўйича таклифлар киритиб борсин.

3. Факультет деканлари:

Жамоатчилик тузилмалари фаолияти бўйича талабалар ўртасида тушунтириш ишларини олиб борсин;

15 кун муддат ичида Жамоатчилик тузилмалари фаолияти тўғрисидаги низомда белгиланган тартиб асосида, аъзоларини талабалар орасидан танлаб олган ҳолда Жамоатчилик тузилмаларини шакллантирсин ҳамда аъзолар рўйхатини тегишлилиги бўйича Жамоатчилик тузилмаларининг ишчи органларига тақдим этсин;

Жамоатчилик тузилмалари ўз фаолиятини самарали ташкил этишлари учун зарур шарт-шароитлар яратилишига кўмаклашсин.

4. Мазкур буйруқ ижроси назоратини ўз зиммамда қолдираман.

Ректор



Р.Ҳакимов

Лойиҳа киритди:

Маънавият ва маърифат
маркази директори

Ш.Пўлотов

Келишилди:

Проректор

А.Хашимхонов

Проректор

И.Рустамбеков

Проректор

Н.Салаев

Проректор

Д.Умаров

Проректор в.б.

А.Иминов

Мониторинг ва ташкилий-назорат
бошқармаси бошлиғи

Д.Маҳкамов

Юридик бюро
катта юрисконсулти

Э.Хосилов

Тошкент давлат юридик
университети ректорининг
2021 йил 15 мартдаги
02-70-сон буйруғига
ИЛОВА

Тошкент давлат юридик университетининг фаол талабаларидан иборат жамоатчилик тузилмалари фаолияти тўғрисидаги НИЗОМ

Мазкур Низом Ўзбекистон Республикасининг “Таълим тўғрисида”ги Қонуни, Ўзбекистон Республикаси Президентининг 2020 йил 29 апрелдаги “Ўзбекистон Республикасида юридик таълим ва фанни тубдан такомиллаштириш бўйича кўшимча чора-тадбирлар тўғрисида”ги ПФ–5987-сон Фармониға мувофиқ Тошкент давлат юридик университетининг фаол талабаларидан иборат жамоатчилик тузилмалари (бундан буён матнда – жамоатчилик тузилмалари) мақоми ҳамда фаолияти тартибини белгилайди.

I боб. Умумий қоидалар

1. Жамоатчилик тузилмалари ўз фаолиятини Тошкент давлат юридик университети (бундай буён матнда – университет) ҳудудида жамоатчилик асосида олиб боради. Жамоатчилик тузилмаларини ташкил этишдан кўзланган асосий мақсад университетнинг фаолияти ҳақида талабаларнинг фикрлари, таклиф ва ташаббусларини умумлаштириш ва университет раҳбариятига доимий етказиб бориш, университет таркибий тузилмалари фаолияти устидан жамоатчилик назоратини олиб бориш орқали талабаларнинг университет бошқаруви, таълим-тарбия, маънавий-маърифий жараёнларда фаол иштирокини ҳамда уларнинг хоҳиш-иродасини инобатга олинишини таъминлашдан иборат.

2. Жамоатчилик тузилмалари ўз фаолиятини Ўзбекистон Республикасининг Конституцияси, Ўзбекистон Республикасининг қонунлари ҳамда бошқа норматив ҳуқуқий ҳужжатларга биноан олиб боради.

3. Жамоатчилик тузилмалари ўз фаолиятини қонунийлик, ошкоралик, мустақиллик, масалаларни эркин муҳокама қилиш, коллегиялик, жамоа фикрини ҳисобга олиш принциплари асосида амалга оширади.

II боб. Жамоатчилик тузилмаси фаолиятини ташкил этиш

4. Жамоатчилик тузилмалари университет ректори ҳамда проректорлари ҳузурида алоҳида ташкил этилади. Жамоатчилик тузилмалари қоида тариқасида Университет ректори ҳузурида 20-25 нафар, проректорлар ҳузурида 12-15 нафар фаол талабалардан иборат таркибда шакллантирилади.

5. Ректор хузуридаги жамоатчилик тузилмаси факультетлардан камида 4 нафардан гендер тенглигига амал қилган ҳолда ўзбек ва рус гуруҳида таҳсил оладиган талабалардан тенг миқдорда ҳамда магистратура босқичи талабаларидан камида 4 нафар талабалардан иборат таркибда шакллантирилади.

6. Проректорлар хузуридаги жамоатчилик тузилмаси факультетлардан камида 3 нафардан гендер тенглигига амал қилган ҳолда ўзбек ва рус гуруҳида таҳсил оладиган талабалардан тенг миқдорда шакллантирилади.

7. Жамоатчилик тузилмалари аъзолигига низомнинг 5-бандида белгиланган тақсимот асосида факультет деканлари томонидан факультет талабаларининг йиғилишларида тавсия этилган талабаларнинг номзоди тақдим этилади.

8. Ҳар бир жамоатчилик тузилмасида, тузилмага аъзо талабалар умумий йиғилишида 2 нафардан масъул белгиланади. Проректорлар хузуридаги жамоатчилик тузилмасида масъул этиб белгиланган талабалар, тўғридан-тўғри университет ректори хузуридаги жамоатчилик тузилмаси таркибига киритилади.

9. Жамоатчилик тузилмалари йиғилишларида тегишлилиги бўйича ректор ҳамда проректорлар раҳбарлик қилади.

10. Жамоатчилик тузилмаларидаги йиғилишлар қоида тариқасида ҳар ойда бир маротаба, масаланинг муҳимлигига кўра жамоатчилик тузилмалари раҳбарларининг ташаббуси билан навбатдан ташқари ҳам ўтказилиши мумкин.

11. Жамоатчилик тузилмалари фаолиятини ташкил этиш, уларнинг йиғилиш баёнларини юритиш учун масъул таркибий бўлинмалар белгиланади.

Университет ректори хузуридаги жамоатчилик тузилмаси фаолиятини юритишга Мониторинг ва ташкилий-назорат бошқармаси, проректорлар хузуридаги жамоатчилик тузилмаси фаолиятини юритишга уларнинг тизимидаги таркибий бўлинмалар масъул этиб белгиланади.

12. Жамоатчилик тузилмалари йиғилишига тегишлилиги бўйича масалалар муҳокама қилиш учун киритилади ҳамда ҳар бир йиғилишда баённома юритилади.

III боб. Жамоатчилик тузилмаларининг асосий вазифалари ва ваколатлари

13. Жамоатчилик тузилмалари қуйидаги вазифаларни бажаради:

университет фаолиятини такомиллаштириш бўйича факультет талабалари ўртасида муҳокамалар ташкил этиш ҳамда ушбу йиғилишларда келиб тушган таклифларни ва талабаларнинг фикр-мулоҳазаларини тизимлаштирган ҳолда йиғилиш кун тартибига киритиш;

университетнинг йиллик ва ярим йиллик режа лойиҳаларини кўриб чиқиш ва таклифлар тақдим этиш;

йўналишидан келиб чиқиб амалга оширилаётган лойиҳа ва танловларнинг муҳокама жараёнида иштирок этиш ва фикр билдириш;

таълим сифатини назорат қилиш мақсадида дарс машғулоти ҳақида талабаларнинг фикрларини умумлаштириш, улар ўртасида турли сўровномалар ўтказиш ва натижаларини университет раҳбариятига тақдим қилиб бориш;

ижтимоий-маънавий муҳитни яхшилаш, коррупциявий ҳолатларни аниқлаш ва бартараф этиш мақсадида талабаларнинг бу борадаги фикрларини умумлаштириш, улар ўртасида турли сўровномалар ўтказиш ва натижаларини университет раҳбариятига тақдим қилиб бориш;

ходим ва талабалар ўртасидаги зиддиятли муносабатлар, талабаларга нисбатан юзага келиши мумкин бўлган ноҳақликларни аниқлаш ҳамда бу ҳолатга барҳам бериш мақсадида тегишли таклифларни университет раҳбариятига тақдим қилиб бориш;

таълим-тарбия жараёнини самарали ташкил этиш мақсадида университет томонидан амалга оширилаётган ишларни талабалар орасида кенг тарғиб қилиш;

университетнинг Одоб-ахлоқ кодекси, Ички тартиб қоидалари (ички меҳнат тартиби қоидалари) ҳамда бошқа локал ҳужжатларига риоя этишлари борасида тушунтириш ишларини олиб бориш.

Жамоатчилик тузилмалари таълим ва тарбия жараёнини самарали ташкил этиш, университет нуфузини ошириш борасида бошқа вазифаларни ҳам амалга оширади.

14. Жамоатчилик тузилмалари ўз вазифаларини амалга оширишда қуйидаги ваколатларга эга:

факультет деканларини огоҳлантирган ҳолда ва ўқитувчининг рухсати билан дарс машғулотларига кириш ва дарс сифати бўйича ўрганишлар ўтказиш;

йўналишидан келиб чиқиб таркибий бўлинмаларда амалга оширилаётган ишлар ҳолати билан раҳбариятни огоҳлантирган ҳолда ўрнатилган тартибда яқиндан танишиш, давлат сирига оид ва қонунчиликда белгиланган бошқа ҳолатлар бундан мустасно;

талабаларни турли танлов, лойиҳа ва дастурларга тавсия этиш бўйича йиғилишларда иштирок этиш;

университетда қурилиш ва таъмирлаш билан боғлиқ ишларни ташкил этиш жараёнида иштирок этиш;

ижтимоий ҳимояга муҳтож талабаларни қўллаб-қувватлаш борасидаги йиғилишларда иштирок этиш;

университет фаолиятининг барча йўналишлари бўйича таркибий тузилмалар фаолияти устидан жамоатчилик назоратини амалга ошириш.

15. Университет ректори ҳузуридаги жамоатчилик кенгашига масъул этиб белгиланган 2 нафар талаба ўз навбатида университет кенгаши йиғилишида ҳам иштирок этиш учун таклиф этилади ҳамда уларга кенгаш кун тартибидаги масалалар юзасидан ўз фикр ва мулоҳазаларини билдириш ҳуқуқи берилади.

IV боб. Якуний қоидалар

16. Жамоатчилик тузилмаларида самарали фаолият олиб бораётган талабалар университет ректорининг ташаббуси билан моддий ва маънавий рағбатлантириб борилади.

17. Жамоатчилик тузилмаларига аъзо талабаларда ушбу Низом ва университет локал хужжатларини бузиш ҳолати аниқланганда уларнинг аъзолиги бекор қилинади ҳамда шу факультетнинг бошқа талабаси аъзоликка тавсия этилади.

18. Жамоатчилик тузилмалари фаолиятини тузиш, тугатиш ва қайта ташкил этиш университет ректорининг буйруғи асосида амалга оширилади.